

tres Planetae, semper cum eodem etiam circumvolvuntur, & quasi virtutibus Solaribus circumtrahantur, retinentes semper Solem motus sui centrum, & cum eodem per viam Solarem ascendentes & descendentes. Interea etiam proprium suum motum, in propriis suis Circulis, & Sphaeris consuevit, & destinatos sibi limites, & cursuum suorum definitum tempus observant, incredibili isto Primi mobilis raptu liberi, & tanta tot Epicyclorum farragine ignari. Ut autem Mercurius & Venus suos Circulos extra Terram constitutos habent: Ita & contrario hi tres Circuli ipsam Terram inclusam ita circumcunt, ut non solum motu Solari, sed etiam suo proprio circumcirca Tellurem & Lunam ferantur, cum duo illi Solis Satellites Venus & Mercurius proprio suo motu Solem tantum ambiant, & solo Solari Motu circum Terram circumplantur. Mars infimus ex tribus Superioribus quandoque Solis Coelum seu Sphaeram ingreditur, & totum illud de Sphaeris solidis figmentum tollit, ut in sequenti Schemate latius declarabitur. Supra Martem Jupiter Erronibus suis quatuor stipatus, Circulum suum a Diurno Solis Motu quotidie abreptus proprio suo Motu pererrat. Idem facit Saturnus supra Jovem Circulum sibi destinatum per-

Mars Solis
Coelum in-
greditur.

means, interea dum Diurno Motu Solem Regem suum comitatur.

SYSTEMA PLANETARUM SOLEM HUC SYSTEMA
DESCENDENTEM COMITANTUR. MARS: MARTIS
CIRCULUS. JUPITER: JOVIS
CIRCULUS. SATURNUS: SATURNI CIR-
CULUS. Systematis Planetarii cum Sole ipsique Plane-
tis, atque eorum circulis superius expressi, & ante ocu-
los positi adumbratio haec est, ostendens, quod idem Sy-
stema pari modo se habeat, cum Sol per Zodiacum descen-
dendo ad terminum suum Australem pervenit, quemad-
modum se habet, cum ascendendo terminum suum Bo-
realem attingit; adeo ut facile ex toto hoc Systemate pa-
teat, Solem proprio suo motu circumactum circa Ter-
ram, ceterorum quinque Planetarum perpetuo comita-
tu circumdatum esse, & Terram Lunae, Solis, & Firma-
menti, Solem vero Systematis Planetarii centrum exi-
stere.

FIRMAMENTUM CUM ZODIACO, & CETERIS FIRMA-
TERIS STELLIS FIXIS SYSTEMA HOC CLAUDIT, & reliquas Sphae-
ras fictas, ut utramque Crystallinam, & Primi Mobilis
Sphaeram, tanquam inania figmenta, rejicit.



S C E-